



Pou Piblikasyon Imedya: 01/12/2023

GOUVÈNÈ KATHY HOCHUL

GOUVÈNÈ HOCHUL ANONSE 41 MILYON DOLA EKSPANSYON SANT TÈS VÒL AK LIVREZON PWODIKSYON BETA TECHNOLOGIES POU AVYON ELEKTRIK NAN AYEWOPÒ ENTÈNASYONAL PLATTSBURGH LA

Konpayi ayewospasyal elektrik inovan pral ogmante anprent North Country li a, sa k ap transfòme sant tès vòl ki egziste deja pou reponn ak bezwen pwodiksyon ak sètifikasyon federal yo

Ekspansyon BETA nan New York sipòte agenda anviwònmantal solid Gouvènè Hochul la pou redui emisyon gaz ki lakozi efè sè ak konbat chanjman klimatik la

Vidéyo avyon BETA Technologies yo disponib [isit la](#)

Gouvènè Kathy Hochul te anonse jodi a ke BETA Technologies, yon konpayi ayewospasyal elektrik dènye kri ki gen avyon ki pral fè misyon kago, militè ak medikal enpòtan, pral fè patenarya ak Konte Clinton sou yon ekspansyon 41 milyon dola nan etablisman ki egziste deja li a nan Ayewopò Entènasional Plattsburgh (Plattsburgh International Airport) la. Nouvo etablisman modènize a pral sèvi kòm sant fabrikasyon ak asanblaj final pou avyon ki konplètman elektrik BETA a epi li pral etabli yon sant tès vòl ak livrezon avyon pèmanan, responsab pou tès vòl final, pentire avyon, ak livrezon kliyan, nan youn nan sant transpò piblik ki pi okipe nan North Country a. Ekspansyon BETA nan Plattsburgh pral apwofondi angajman konpayi an pou devlope yon teknoloji ayewospasyal inik nan Eta New York, ranfòse repitasyon North Country kòm yon sant transpò modèn, epi li pral bati sou envèstisman kontinyèl Gouvènè Hochul ap fè pou sipòte transpò pwòp ak yon ekonomi ki pi vèt. Nan kad akò pou elají operasyon nan Ayewopò Entènasional Plattsburgh la, BETA Technologies te angaje l pou l kreye 85 djòb aplentan an echanj pou yon sibvansyon 20 milyon dola yo te bay BETA atravè Konte Clinton nan Pwogram Asistans Ekonomik ak Kominotè Rejyonal (Regional Economic and Community Assistance Program, RECAP) Empire State Development lan.

"Si w ap chèche travay alavni yo, vini nan New York! Agrandisman BETA Technologies sa a nan Plattsburgh se egzakteman kalite kwasans ak inovasyon k ap dinamize ekonomi New York pou 21èm syèk la", **Gouvènè Hochul te deklare.** "Soti nan North Country pase nan New York Santral rive nan Vil New York, Administrasyon mwen an ap

fè envèstisman transfòmatif ki kreye travay, elaji opòtinite ak grandi ekonomi nou an nan chak rejon nan eta a."

Fondatè ak Direktè Egzekitif Jeneral, BETA, Kyle Clark, te deklare, "Eta New York gen yon mendèv solid ak yon istorik lidèchip nan sa ki gen pou wè ak sipòte ak pèmèt transpò pwochen jenerasyon. Nan BETA, nou konsantre sou fè avyasyon pi pwòp ak pi efikas pou lavni, epi sa mande pou yon kantite konpozan ki gen ladan teknoloji, enfrastrikti, ak yon mendèv ki kapab. Nou ap devlope, vole, ak antreteni avyon elektrik nou yo nan Ayewopò Entènasyonal Plattsburgh la depi 2017, epi nan tan sa a, nou te anvayi pa sipò Eta a ak Konte a pou vizyon nou an. Soti nan desidè yo rive nan lekòl yo ak ti biznis yo, nou jwenn rezonans isit la epi nou pa ka tann pou nou double efò yo pou akselere kwasans ak operasyon nou yo pou kreye plis bon jan djòb nan eta a."

Pou senk ane ki sot pase yo, sant tès vòl BETA nan Ayewopò Entènasyonal Plattsburgh la te sèvi kòm pwen orijin pou pifò nan teknoloji inovan li yo, pou asire ke anpil nan pi gwo etap vòl konpayi an te konplete nan Eta New York. Pi long vòl li te anrejistre nan yon avyon elektrik te pakouvre 541 km maren, soti nan Jamestown rive nan Plattsburgh. BETA te sekirize kòmand fèm nan men pi gwo operatè mondal ki gen ladan UPS, United Therapeutics, Bristow, LCI, Blade, ak Helijet, epi li gen kontra mltifaz ak Lame Ayeryen ak Lame Ameriken (US Air Force ak Lame).

Avyon ki konplètman ektrik BETA a jenere zewo emisyon operasyonèl, yo ka rechaje nan mwens pase inèdtan ak chajè BETA epi yo te fèt pou optimize kapasite chaj itil ak otonomi. BETA ap kreye yon rezo rechaj elektrik nan tout peyi a ki konpatib tou ak machin elektrik yo. Konpayi an te enstage estasyon rechaj avyon nan 15 lokal Etazini ki gen ladan ayewopò Jamestown, Rome, ak ayewopò Plattsburgh, epi li gen 55 lòt sit atravè peyi a ki an pwodiksyon tankou nan ayewopò Elmira, White Plains, Republic, Ayewopò Rejyonal Hudson Valley ak Ayewopò Entènasyonal Albany, ak plan pou kontinye agrandi atravè peyi a.

BETA ap fè patenarya ak lekòl lokal yo ak lòt biznis pou devlope djòb ak devlope mendèv nan Konte Clinton ak odela. BETA fè patenarya ak inivèsite tankou Rensselaer Polytechnic Institute ak Clarkson University, patisipe nan fwa karyè ak fasilité defi konsepsyon elèv yo pou pwogram akademik tankou Authentic STEM, epi li ap travay ak Champlain Valley Educational School pou devlope kourikoulòm ak kou pou prepare elèv yo pou karyè alavni nan manifakti avanse ak avyasyon elektrik.

Anons jodi a konplete envestisman kontinyèl Gouvènè Hochul ap fè nan bati enfrastrikti transpò pwòp nan Eta New York. Eta a ap envesti plis pase 2.7 milya dola pou inisyativ transpò pwòp la epi li egzije pou tout novo machin pasaje yo, kamyonèt ak veyikil espòtif (SUV) yo vann nan Eta New York pou yo zewo emisyon disi 2035 Anplis finansman federal, Pwogram Make-Ready ak EVolve New York pou rechaj EV New York yo ap konekte kominote yo ak enfrastrikti rechaj fyab ki pèmèt tranzisyon nan veyikil zewo emisyon nan tout eta a.

North Country abrite yon gwoup enpòtan ki gen konpayi ekipman transpò ak konpayi ayewospasyal atravè reydon North Country ki gen nan sèt konte nan Eta New York ki pwodui ekipman transpò pwochen jenerasyon ak konpozan ayewospasyal ki bati ozalantou transpò nan wout, tren, espas, ak transpò maritim akòz, an pati, nan pwoksimite li ak gwoup Ekipman Transpò & Ayewospasyal mondal Quebec la. Fabrikasyon transpò nan North Country a reprezante prèske 1,000 djòb epi li kontribye nan plis pase 150 milyon dola nan pwodwi nasyonal brit Eta a.

Prezidan, Direktè Egzekitif Jeneral ak Komisè Empire State Development Ian, Hope Knight, te deklare, "Ekspansyon BETA Technologies nan Eta New York reflete anpil envestisman estratejik eta a nan Ayewopò Entènasyonal Plattsburgh epi li bati sou efò devlopman ekonomik dirab nou yo pou atire nouvo djòb ak biznis vèt nan North Country ak atravè eta a."

Senatè Eta a, Dan Stec, te deklare, "BETA nan dènye kri avyasyon ak teknoloji elektrik la, epi etablisman Plattsburgh la pwouve li enpòtan anpil nan rechèch ak devlopman konpayi an. Nouvo ekspansyon sa a pral avanse efò sa yo epi elaji opòtinite ak devlopman nan North Country. Reyon nou an gen yon gwo potansyèl ekonomik, epi patenarya ak konpayi tankou BETA enpòtan anpil pou fè potansyèl sa a tounen karyè ak kwasans alontèm."

Manm Asanble Billy Jones te deklare, "Sa a se yon gwo envestisman Eta New York pou non sèlman envesti nan teknoloji ayewospasyal dènye kri men tou pou kreyasyon travay ak devlopman mendèv. North Country te idantifye tèt li kòm yon gwoup pou teknoloji fabrikasyon ayewospasyal ak transpò epi Beta Technologies se yon pati enpòtan nan sa a atravè kreyasyon djòb ak patenarya yo ak elèv lokal ki soti nan CV-TEC pou anseye yo konpetans yo bezwen pou yo reyisi nan karyè yo. Finansman sa a pral elaji kanpis teknoloji yo nan Ayewopò Entènasyonal Plattsburgh la epi sipòte sektè fabrikasyon transpò a isit la nan Konte Clinton. Mwen vle remèsyé Konte Clinton pou tout travay di yo fè pou sipòte Beta Technologies pou jwenn finansman sa a."

Prezidan Lejislati Konte Clinton Ian, Mark Henry, te deklare, "Avni avyasyon an isit la nan Konte Clinton epi nou fyè dèske nou te fè patenarya ak BETA Technologies depi lè yo te kòmanse nan Ayewopò Entènasyonal Plattsburgh la sèlman kat ane de sa. Konte Clinton te kanpe fèm nan sipòte kwasans ekonomik ak devlopman mendèv, patikilyèman konsènan gwoup manifakti transpò a. Nan non Lejislati Konte Clinton Ian, mwen eksprime rekonesans sensè mwen bay Gouvènè Hochul pou angajman li pou sipòte efò Konte a ap fè pou I fè patenarya ak BETA Technologies pou konstwi kanpis vèt ayewonatik modèn sa a."

Sipèvizè Vil Plattsburgh, Michael S. Cashman, te deklare, "Ekonomi vèt la ak teknoloji elektrik la se pa yon tandans efemè men se yon trajekta pwouve nan direksyon yon avni ki pi dirab ak pwospè. BETA Technologies ap mennen chemen transfòmasyon sa a. Aplizyè repriz, BETA te fè istwa nan avyasyon. Envestisman sa a ki mennen nan agrandi anprièt nan Vil Plattsburgh la ak yon sant tès vòl ak livrezon pou avyon elektrik nan Ayewopò Entènasyonal Plattsburgh la se yon viktwa enpòtan pou

North Country. Patenarya dinamik ant NYS, BETA, ak kominate lokal nou an pwouve syèl la pa limit ankò. Nan wout pou nouveau somè k ap vini."

Direktè Sèvis Edikatif Edikasyon Karyè ak Teknik Champlain Valley, Michele Friedman, te deklare, "Divizyon CV-TEC nan CVES kontan anpil pou li an patenarya ak BETA Technologies sou pwogram fòmasyon inova\ln ak revolisyònè ki debloke opòtinite inik ak chemen karyè. Elèv CV-TEC North Country nou yo gen yon talan ekstraòdinè, epi sa ban nou gwo fyète pou montre ak konekte talan yo ak inovatè endistri yo tankou BETA Technologies."

Plan Klimatik Nasional Eta New York ki Alatèt Peyi a

Ajanda klimatik Eta New York la ki se lidè nan nasyon an fè apèl ak yon tranzisyon ki metodik epi ki jis ki kreye djòb ki soutni fanmi, ki kontinye ankouraje yon ekonomi vèt nan tout sektè epi asire ke omwen 35 pousan, avèk yon objektif 40 pousan, nan avantaj envestisman enèji pwòp yo ale nan kominate defavorize yo. New York, ki oryante pa kèk nan inisyativ klima ak enèji pwòp ki pi agresif nan peyi a, sou pwen pou reyalize yon sektè enèji zewo emisyon vè 2040, ki enkli 70 pousan pwodiksyon enèji renouvlab vè 2030, ak netralite kabòn nan tout ekonomi an vè mwatye syèk la. Yon poto mitan nan tranzisyon sa a se envestisman san presedan New York pou devlope enèji pwòp yo, ki enkli plis pase 55 milya dola nan 145 pwojè enèji renouvlab ak transmisyon ki fèt sou gran echèl nan eta a, 6.8 milya dola pou redui emisyon batiman yo, 3.3 milya pou devlope enèji solè, plis pase 1 milya dola pou inisyativ transpò pwòp ak plis pase 2 milya dola nan angajman NY Green Bank yo. Envestisman sa yo ak lòt sipòte plis pase 165,000 djòb nan sektè enèji pwòp New York la an 2021 ak yon kwasans plis pase 3,000 pousan nan sektè solè distribiye a depi 2011. Pou diminye emisyon gaz ki lakòz efè sè ak amelyore kalite lè a, New York te adopte tou règleman veyikil san emisyon, ki gen ladan egzije pou tout nouveau machin pasaje yo ak kamyon pwa lejè yo vann nan Eta a gen zewo-emisyon disi 2035. Patenarya yo ap kontinye fè aksyon klimatik New York la avanse avèk apeprè 400 Kominote Entelijans Klimatik ki anrejistre ak 100 Kominote ki sètifye, apeprè 500 Kominote Enèji Pwòp, ak pi gwo inisyativ kontwòl lè kominotè Eta a nan 10 kominate devavorize atravè eta a pou ede sible polisyon lè epi konbat chanjman klimatik la.

Konsènan BETA Technologie

BETA Technologies se yon konpayi ayewospasyal elektrik k ap kreye yon nouveau modèl pou transpòte machandiz ak moun, fè li pi vèt, pi an sekirite ak pi efikas. Pou fè sa, konpayi an ap konstwi yon sistèm transpò elektrik ki gen ladann avyon nèt-zewo, ki konplètman elektrik ak yon enfrastrikti rechaj multimodal ant konte pou sipòte divès kalite EV.

Sekirite, senplisite, ak pragmatis plase nan sant tout sa yo fè, soti nan konsepsyon pwodwi yo rive nan apwòch nou an nan mache a. Ekip la pote eksperyans nan pi gwo òganizasyon mondal yo, epi li pran yon apwòch pratik, milti-disiplinè pou rezoud pwoblèm ak pote inovasyon. Pou ankouraje yon konpreyansyon pwofon sou avyon, enjenyeri, ak yon koneksyon ak misyon an, chak manm ekip BETA gen opòtinite pou yo vin sètifye pou vol gratis.

###

Lòt nouvèl disponib sou sit www.governor.ny.gov

Eta New York | Chanm Egzekitif | press.office@exec.ny.gov | 518.474.8418
Enskri pou w jwenn mizajou Biwo Gouvènè a: ny.gov/signup | Voye tèks NEW YORK bay 81336

[ANILE ENSKRIPSYON OU](#)